

На основи Покраїнської скупщинської одлуки о бюджету Автономної Покраїни Войводини за 2014. рок («Службени новини АПВ», число 50/2013) и Програми зашити, ушореня и хаснованя польопривредней жеми на території Автономної Покраїни Войводини у 2014. року («Службени новини АПВ», число 7/2014),

**ПОКРАЇНСКИ СЕКРЕТАРИЯТ ЗА ПОЛЬОПРИВРЕДУ,  
ВОДОПРИВРЕДУ И ЛЕСАРСТВО**  
розписує

**КОНКУРС**

**за додзельованє средствох за унапредженє хаснованя польопривредней жеми преїг набавки новой опреми за зашити польопривредних културох од хвильових непогодох и набавку иншей опреми на території АП Войводини**

**Предмет конкурсу**

то додзельованє безповратних средствох за

1. Набавку противкаменцових мрежох зоз подпорку на поверхноци од 0,5 гектари до 10 гектари на території АП Войводини у висини до 60% вкупней вредноци опреми без ПДВ-а.

Сума стимулюющих средствох за потримовку инвестиційох по запровадзеним конкурсу не може буц векша як 800.000,00 динари по гектаре.

Вкупна сума средствох хтори ше додзелює то **220.000.000,00** динари.

2. Набавку бокс палетох за оберанє и маґазинованє овоци од 100 до 1000 палети у висини до 50% вкупней вредноци без ПДВ-а. Максимально 100 палети/га овоцнїка.

Сума стимулюющих средствох по запровадзеним конкурсу не може буц векша як 4000,00 динари за набавку едней бокс палети.

Вкупна сума средствох хтори ше додзелює то **40.000.000,00** динари.

**Хаснователє стимулюющих средствох:**

Право конкуровац маю:

– **физични особи** – ношителе регистрованих польопривредних газдовствох;

– **правни особи** – регистровани польопривреда газдовства.

Подношителе приявох муша буц зоз території Автономної Покраїни Войводини.

**Потребна документация**

1. читко виполнени Формулар прияви з обовязним подписом, а за правни особи и печатом подношителя;
2. фотокопия особней легитимациї або одчитана чипована особна легитимация за ношителя РПГ або овласценой особи у правней особи;

3. оригіналні вивод зоз Регистру польопривредних газдовствох за 2014. рок хтори видава Управа за трезор (перши бок виводу РПГ зоз основними податками и други бок виводу зоз податками о поверхносцох и продукції);
4. вивод зоз катастру нерухомосцох зоз податками о власніцтве за шицки катастерски парцели овоцнікох хтори предмет прияви не старши як 30 дні;
5. оверени контракт о аренди польопривредней жеми на хторей подзвигнути овоцнік найменей по 2028. рок (кед жем на хторей ше поставя опрема, хтора предмет того конкурсу, вжата под аренду);
6. оригіналні предрахунок зоз спецификацию опреми або фотокопия рахунку зоз спецификацию опреми виказани у динарох, хтори не старши од 01.01.2014. року. и потвердженє зоз банки о вивершеним плаценю. Спецификация опреми треба же би мала основни характеристики опреми яка приказана у таблічки а) и б) (податки хтори виказани у прияви муша буц исти як у предрахунку, односно рахунку).
7. гаранция на випоручену опрему 5 роки;
8. царинска декларация за опрему з увозу;
9. потвердженє о вимирених надоплнсњох за одводньованє/наводньованє;
10. доказ о регулованих обовязкох за аренду державней польопривредней жеми;
11. виява подношителя прияви же не хаснує по даякей другой основи безповратни стимулюючи средства за исту наменку.

**Додатна документация за правни особи**

1. фотокопия потвердзєня о порційним идентификаційним чишлє;
2. вивод зоз Агенції за привредни регистри;
3. отворени окреми наменкови подрахунок при Управі за трезор;
4. потвердженє Порційней управи же подношитель вимаганя вимирел порційни и други явни даванїни за 2013. рок.

**Документация хтора поребна за бодованє правних особох:**

1. АПР Звит о бонитету за правни особи хтори регистрировани скорей 2012. року (БОН – 3). За новоосновани подприємства Биланс стану и успиху;
2. за земледілски задруги вивод зоз Регистру польопривредних газдовствох хтори видава Управа за трезор (перши бок виводу РПГ з основними податками и други бок виводу зоз податками о поверхносцох и продукції) за найменей 10 задругарох;

**Конкурсну документацию ше подноши у двох прикладнікох (оригинал и фотокопия).**

Комисия затримує право, попри наведзених, вимагац и други документи.

**Окремни надпомнуца:**

Хаснователь средствох ма обовязку при подписованю Контракту з Покраїнским Секретариятом за польопривреду, водопривреду и лесарство о хаснованю

средствох доручиц векслу зоз векслову вияву, а за правни особи регистровану векслу зоз векслову вияву.

### Прилапліви и неприлапліви трошки

Прилапліви трошки по тим конкурсу то трошки набавки **опреми за защиту польопривредних културох од хвильових непогодох и набавку иншей опреми на території АП Войводини** хтора предмет того конкурсу, виказани у динарох без ПДВ-а. У **Таблічки а)** дати приказ компонентох опреми хтора предмет того конкурсу.

Файта опреми	Елементи системи противкаменцовой защиты	
Противкаменцова мрежа зоз подпорку	Слупи	-древени -бетонски
	Анкери	
	Челічна сайла	
	Клемни поцинковани	
	Челічни дрот обложени з алуминиюмом	
	Покривки за бетонски слупи	
	Покривки за деревени слупи	
	Шруб за покривку	
	Покривки ПЕ	
	Персцень 90 мм поцинковани	
	Зацаговач (Шпанер)	
	Гвозди поцинковани	
	Противкаменцова мрежа – УВ стабилна	
	Плакети типу гребень ПЕ	
	Плакети за злучованє мрежи	
	Плакети Универсал	
	С – квачки	
	Гвозди поцинковани	
	Ланц за фиксованє мрежи	
	Персцень поцинковани	
Гвозди поцинковани		
Протившлізкаюци платни (за бетонски слупи)		

Характеристики бокс палетох:

### Таблічка б)

- ношивосц	500 кг
- материял	ПЕ-ХД, УВ-стабилна
- температура	мин -40°C, мах +50°C
НАДПОМНУЦЕ: Гаранция на випоручену опрему 5 роки	

## **Додзельованє стимулюючих средствох**

- Виполненосц условийох за додзельованє средствох утвердзує комиссия хтору формує Покраїнски секретар за польопривреду, водопривреду и лесарство.

- Одлуку ше приноси на основи критерийох яки утвердзени зоз Правилніком о додзельованю безповратних средствох за унапредзене хаснованя польопривредней жеми преїг набавки опреми за защиту польопривредних културох од хвильових непогодох и набавку иншей опреми на території АП Войводини.

- Конкурсну документацию ше не враца.

- Подношитель прияви може поднесц лєм єдну прияву.

- Неблагочасни прияви ше не будзе розпатрац.

- Стимулююци средства ше будзе додзельовац по присцигованю приявох по потрошенє средствох яки предвидзени за тоту наменку.

- Конечну Одлуку о додзельованю средствох приноси Покраїнски секретар за польопривреду, водопривреду и лесарство.

## **Термин за законченє инвестиції**

Термин за законченє инвестиції (поставяне купеней системи процивкаменцовой мрежи зоз подпорку) и набавки иншей опреми (пластичних бокс палетох) по 15.11.2014. року.

## **Виплацованє средствох**

Овласцена особа видзе на терен после того як хаснователь средствох доручи у двох прикладнікох:

1. наративни (кратки, у писаней форми) звит о оконченой работи;
2. оригинал або фотокопию рахунку;
3. оригинал або фотокопию одпосилного лісту;
4. оригинал або фотокопию виводу зоз банки о плаценю рахункох;
5. фотокопию гаранції.

Секретарият окончи виплацованє средствох по утвердзованю виполненосци контрактових обовязкох.

## **Способ подношеня прияви**

Конкурс отворени заключно зоз **30.09.2014.** року.

Прияви з потребну документацию доручиц ПО ПОШТИ НА АДРЕСУ:

**Покраїнским секретарияту за польопривреду, водопривреду и лесарство**

**Булевар Михайла Пупина 16**

**21000 Нови Сад**

**з назначеньом «КОНКУРС ЗА ДОДЗЕЛЬОВАНЄ СРЕДСТВОХ ЗА УНАПРЕДЗЕНЄ ХАСНОВАНЯ ПОЛЬОПРИВРЕДНЕЙ ЖЕМИ ПРЕЇГ НАБАВКИ НОВЕЙ ОПРЕМИ ЗА ЗАЩИТУ ПОЛЬОПРИВРЕДНИХ**

**КУЛТУРОХ ОД ХВИЛЬОВИХ НЕПОГОДОХ И НАБАВКУ ИНШЕЙ ОПРЕМИ У 2014. РОКУ»,** або особне преїг писарніци покраїнских органах управи у будинку Влади АПВ, кажди роботни дзень од 9 до 14,00 годзин.

Додатни информации мож достац на телефон: **021/456-267**.

Текст Конкурсу и формулар прияви можеце превжац зоз [www.psp.vojvodina.gov.rs](http://www.psp.vojvodina.gov.rs) .